

# Der Wein als Beispiel:

## *Wünsche richtig temperiert*

- Ein Mundartgedicht von Hubert Roth -

En jede wünscht sich vorderhand  
en allwiil chüehle Sachverstand,  
denn s Früschsii isch i de Natur  
e Folge vu de Temperatur.

Drum brucht de Wiißwii, ganz genau,  
wie de Verstand, die Chüehli au.  
Erscht durch d Chüehli wirkt die Chraft  
vum fruchtig wiiße Rebesaft.

Nur: liebi Fründ, mir kenned s Läbe  
und so au d Wirkung vu de Räbe:  
Die Chüehli, bim Verstand und Wii,  
cha nur die **eine** Site sii!

Wa wär Verstand, wenn noch so  
chüehli, ohni üse Menschegfüehl?  
Wa wär de Wiißwii ohne de Rot,  
wa wär s Läbe ohni Tod?

**Mir bruched beides zur Kultur,  
doch stets in rechter Temperatur!**

(H. R.)

